

الرشاد

سنة ١٣٣٠

والله يهدي من يشاء الى صراط مستقيم ديني، علمي، ادبي، سياسي مفتلق بمجموعة اسلاميه در
اتبعون اهدكم سبيل الرشاد

صاحب ومدير مسئول : ع. اشرف اديب

عدد ٢٧ - ٢٠٩ ٢٣ رمضان ١٣٣٠ نجشبه ٢٣ اغستوس ١٣٢٨ جلد ٢ - ٩

آثار منتشره

صفحات

ایک نئی کتاب

سلامیہ کرسیستندہ

صراط مستقیمہ باشلاہرق کچنکی نسخہ مزیدہ بیتن بواجتماعی ، دینی منظومہ کتاب شکلندہ انتشار ایتدی .

هرکسک اکلامسی لازم کلدیگی ایچون هرکسک آکلایه بیله جکی برلسان ایله یازیلان بو اثر اولاخفیف ، لطیف بر مقدمه ایله باشلیور . اسکی کوپرو اوزرندن سکرکن خلیجک ، اس تانبولک ، یکی جامعک منظره سنی جملاً تصویر ایدیور . صوکره نظرلری استانبولک ، حتی بوتون عثمانلیکک اک محکم ، اک محتشم آبدہ لاهوتیسی اولان سلیمانیه جامعنه طوغری چوریوریور . شادیروان قاپیسندن باشلاہرق حولی بی ، معبدک ایچنی ، نمازی بی تیروب تسییح چکن جماعتک حالی کوستریوریور . دعائی متعاقب کرسی به بوتون عالم اسلامی دولاشمش محترم بریر چیقیور : « سزه وعظایدہ جک دکم ، جهان توحیدک حالی اکلادہ جغم » دییه سوزه باشلیور . آهنگ بیانیله روحلری مسحور ایدن بو اختیار اون اون بش سنه اول سیریدان قالقوب ملک عثمانیه به گلش . ملتی ایقظایچون برخیلی اوغراشمش . لکن حکومتک تعقیباتندن کوز آچه مایهرق تکرار روسیه به کچمش . اوزمانلر ایسه روسیه غایت دهشتلی بر استبداد حکم سوریورمش . او قدر تضیقہ رغماً بو اختیار مطبعه آچمش ، غزتهلر ، رسالهلر چقارہرق مسلمانلری او یادیرمق ایچون برچوق چالیشمش . نہایت حکومت مطبعه سنی باصمش ، کنیدیسی ترکستانه قاچمش . قور تیلیمش . بورالری روسیه به کی مسلمانلرک احوال اجتماعیه واقتصادیه لرله برابر غایت اطرافلی اولهرق حکایه ایدیور . صوکره بخارالری ، سمرقندلری ، دها صوکره چینی ، مانچوریایی ، ژاپونیایی ، کوردیکی کی آکلانیور .

اختیار هندستانی کزرکن استانبولده قانون اساسی اعلان ایدلدیکنی خبر آلیور . آرتیق اورالرده طوره مایهرق قالقوب ، بورایه کلیور ، حریتی عثمانیلرک نصل تلقی ابتدکارینی ، انقلابدن نه صورتله متأثر اولدقلرینی آچی برلسان ایله سویلیور . دها صوکره بوتون عالم اسلامی مصاب ایدن فلاکتک عثمانی آفاقی ده تهید ایتک اوزره اولدیغنی اطرافله ایضاح ایدیور . بو صیره ده سویلدیکی سوزلر جماعتی جوش و خروشه کتیریوریور . اختیار اونلری تسکین ایتدکن صوکره میدانده کی مرض اجتماعینک ماهیتنی ، ادوارینی ، اصول مداواتی بر تفصیل بیلدیریور . اک صوکنده غایت مؤثر بردعا ایله کر سیدن اینیور .

ترده بوتون عثمانیلرک ، بالخاصه مسلمانلرک کوزلرینی درت آچه جق انتباه لوحه لری طولودر . ایکی غروشه صاتیلان بو کتابدن برر دانه ایدیغنی محترم قارئلریمزه توصیه ایدرز .

طشره ایچون بکرمی پاره پوسته اجرتی واردر .

مطبعه احمد احسان و شرکاتی
مدیر مسئول : اشرف ارباب

بویله بر امرک صدوری امید ایدیله میه جکنی ایلری سورہ رک « معاویہ صراحتہ بوامری ویرمه مشدر ؛ انجق بسری حرکاتندہ سر بست بر اقمشدر . بسر ایسه پک قان دوکوجی بر حریف اولدیغی ایچون چوجقاری اختیارلری استثنایتمه مشدر » دیور .

یوقاریده سویله مش ایدک که اغانی محاضرات کتابلر ننددر . وقعہ اهمیتسز ، روایتده لطیفه نوغندندن اولور یاخود جدیات ایله یورولان دماغی دیکلندیر مک ایسته نیلیرسه بوکی اثرلره مراجعتده باس بوقدر . لکن مسئله اهمیتلی ، وقعده اختلافلی اولوب ، نتیجه ده یابر طرفک اعتلاسنی ، یاخود دیگر طرفک الحطاطنی ایجاب ایدرسه او وقت بوکی اثرلره مراجعت قطعاً جائز دکلدر .

قالدی که اغانی صاحبی شیعیدر . معاویہ بی لکه لیه جک برشی اولدیغی ، ایسترسه اک ضعیف ، اک اعتماد اولنماز برسوز اولسون ، اون بی بیک جان ایله قبول ایدر . اوت بسر بن ارطاط ایکی چوجق اولدوردی ؛ لکن بوقتل ایکی بی آشمدی . ارتق مؤلفک « بسر خونخوار ایدی . چوجقاری اختیارلری استثنایتمدی » طرزنده کی سوزی زده قالیر ؟ [شیخ شبلی نعمانی حضر تلرینک بسر بن ارطاطی بو صورتله مدافعه ایتلری پک طوغرو اولسه کر کدر]

مؤلف دییور که : « معاویہ کی صاحبی ایله ، متاتی ایله معروف اولان بر آدمک زماننده کی امرانک حالی بویله اولورسه ، ارتق اوشدتی ، اوغدارانی ایله عبدالملکک زمانی نصل اولق ایجاب ایدر ! حجاجک مظالمی حقدہ سویله نن سوزلر ، ولویوزیکرمی بیک کیشی بی اشکنجه لر التده اولدوردیکی کوسترسون ، استغراب ایدیله بیلیرمی ؟ جلد ۴ صحیفه ۸۳ »

اوت ، حجاج یوز یاخود ایکی یوز بیک کیشی اولدوردی . لکن بو جنایت دولت عباسیه نک مؤسسای اولان ابومسلم خراسانینک کی یاننده پک اهمیتسز قالیر . زیر ابوریک آلی یوز بیک کیشی اولدورتمشدی . مؤلف اثرنده بونی اعتراف ایدیور ؛ شوقدر وار که سیاست او یله ایجاب ایدردی ، دیه قتالی معذور کوسترمک ایستیور . بو حسابه کوره حجاج دها معذور ، دها شایان عفو اولق لازمکلیر . چونکه حجاج خالص عرب اولق اعتباریله طبیعتده غلظت ، شدت واردی . لکن ابومسلم عجم ایدی : آغوش مدینتده بیومش ، اخلاق کریمه ایله پرورشباب اولش ایدی !!

مؤلف ، عبدالملک حجاجدن دها ظالم ایدی ، صورتنده کی ادعاسنه عمر ابن سعیدی اولدور مسندن بشقه بر دلیل کتیریور . بو حرکت برغدر اولقله برابر المنصورک ابومسلمه یادیغنه نسبتله پک کوچوک قالیر . او ابومسلمه که دولت عباسیه نک صاحبی ، ولی نعمتی ایدی . او اولماسه ایدی عباسیلرک اسمی بیله آکیلمازدی . کذلک ینه المنصورک ابن هبیره یه اولان غدیری بوقیلدندر . اک زیاده ششائیله جق برشی وار ایسه اوده شودر :

مابعدی وار